

2018

HMAR

(Modern Indian Language)

Full Marks : 100

Pass Marks : 33

Time : Three hours

A hnuoia indawnnahai hi dawn rawh :

UNIT – I (PROSE)

25 MARKS

1. Thangsuohai ham thatna pakhat ziek rawh. 1
2. Hmarnauhai ta dinga Sinlung pawimawzie ziek rawh. 2
3. Chulram hi ieng leia khawsawtum am a nih a ? 2
4. Pi le puha`n Sinlung an suoksan nasan ni dinga i ring point 2 ziek rawh. 2
5. Thangsoo dinga thaw ngei ngei tûl chu ie`m a nih a ? 2
6. School-a Ambedkar an lo hmusit dân chi hni ziek rawh. 2
7. Khuongpuitlur hi ieng ang tlangvai am a nih a ? 2

P.T.O.

8. AIDS hi ieng anga tium am a nih a ? 2
9. Hmusita a um leia Ambedkar thanglak dan thumal 70 velin ziek rawh. 4
10. Hmarnauha'n Sinlung an theinghil thei der naw hi ienglei am ni dingin i ring a ? 6

UNIT – II (POETRY)

20 MARKS

11. 'Chawnlam Hla' hi ieng huna an sak hlak am a nih a ? 1
12. 'Lai ram ang ei thona dingin' ti hi hrilfie rawh. 2
13. Pastor Lienrumin 'Zion Khawpui' a phuok nasan ni dinga i ring ziek rawh. 2
14. In inchuklaibua hlachang pakhat indik takin ziek dawk rawh. 2
15. 'Phut Thar Nawk Thei Ni Lang' ti ziektu'n phut thar nawk a nuom, nasan ziek rawh. 2
16. 'Thangvan Sang Khi Ka Hang Thlir A' ti hla laimu thumal 70 velin ziek rawh. 5
17. 'Thiemna Run Kaina' hlaa inthawka inchuk ding umhai thumal 85 velin ziek rawh. 6

UNIT – III (READING)

20 MARKS

18. Thuziek hi tiem rawh :

Leng anga kutsebi man tam le mo thuom mawia inbelin, thutiemna hmangruo man tam tak takin thu intiem hlak inla khawm, ei innei nasan tak, hmangainaa pumkhata insiemna hi a um naw chun, a ropui thei dan taka ei lawm le ei 'chawimawi' inneina hin kawka a nei tak tak ngai chuong nawh. Bible-a, "Inneina hi

mi po po lai chawimawiin um raw seh” tia ei tiem hlak hin, ‘a ropui thei ang taka mo làwm ding’ ti tiengpangin a mi kei ta a. Chu chu ni lem lovin, “Inneina (nupaa insiemna) hi inzaum sien la, “Lala hin nuhmei nei a ni ta leiin, nunghak dangin an mel ngam ding le an nèl ngam lo dinga inzaumin insiem sien la. Chuong ang bawk chun, “Mawii hih mī nuhmei a ni ta leiin, tlangval annawleh pasal dangin, an inza thei dangin a pasal ta dangin ringum takin um raw seh” tina a ni lem. ‘Inneina chawimawi’ ni lovin, “Nuhmei pasal innei tahai chun, ‘mī nuhmei ka ni tah’ annawleh, ‘mī pasal ka ni tah’ ti hi inhre tlatin inzaum takin um raw hai seh” a tina a ni lem !

A. Tuhin a hnuoia indawnnahai hi dawn rawh : $2 \times 5 = 10$

- (i) Ei innei nasan tak hi ic’ m a nih a ?
- (ii) ‘Inneina mi po po laia chawimawi’ ti hin ‘molâwm’ a kâwkin i hriet am ?
- (iii) Nupaa insiem tahnunga ngaizâwng hlui la’n kawppui hi, indikin i hriet am ?
- (iv) Nuhmei pasal innei hnunga mī dang le la’n mel zing hi thain i hriet am ?
- (v) Inneina chawimawi dân ding chi hni ziek rawh.

B. A hnuoia thumal le umzie inang a chung a thuzieka inthawk khin la suok rawh.

$1+1+1=3$

- (i) Pakhata insiemna
- (ii) Nupaa insiemna
- (iii) Ngaisangum

19. Thuziek hi tiem rawh :

Hrietsâng ruok chun thawkna nei, Iekhathiem, lungril puitling tak Tlingzo nei a. Tlingzo chu mi inret thiem, khawsak rêlbâw] thiem tak ei a nih a. Pahnia hlaw nei an ni leiin sum le paiah an buoi nawh. An nauhai fak tha le silfên tha an pèk zo va. School thaah an inkaitir thei bawk. Tlingzo chun a nauhai chu Pathien thu zirtîr a, nau thuawi thei tak an nih. Thawkna nei ni sien khawn Tlingzo chu a'n ngaitlâwm a, a bengvâr a, biek a'n hawi bawk. A tarpi a tarpu a suknuor pal ding mawlh a'n lau va. An lung sukawi chu a thiltum lien tak a nih. A hmêl a hlim a, a lungril a hadam leiin a hrisêl bawk. A pasal khawmin demna ding a hriet nawh. Iengtik lai khawmin a pasal chu hmêltlâi hieuvin a biek hlak a. Nupa inthuruol, entawn tlâk tak le, nu le pa chawimawi thiem taka hril an nih.

A. A chung a thuzieka inthawka thupui pawimaw zuol 4 la suokin dawh rawh.

4

B. A hnuoia thuziekhai le umze inang / inhnai, a chung a thuzieka inthawkin la suok rawh.

1+1+1=3

(i) Sinhawna nei

(ii) Tangkasum hmang mei mei lo

(iii) Hlimhmêl

UNIT – IV (WRITING)

25 MARKS

20. A hnuoia hai hi pakhat lem lem ziek rawh :

5

Students Union-a General Secretary i nih a. In school -in Blood Donation in huoihawtna dinga inhriettima Notice ziek dân kalhmang indik takin ziek rawh.

Annawleh,

In school-a Literary Secretary i nih a. Annual Meet-a Writing Competition-a thang nuomhai hming pèklùtna ding Notice ziek dan kalhmang indik ziek rawh.

21. A hnuoia hai hi pakhat lem lem ziek rawh. 8
Computer Course introduce dinga Principal kuoma ngenna, Application ziek dan kalhmang indil takin Application ziek rawh.

Annawleh,

Inchûkna tienga a hmâ nêka thang la nasa lem dinga ngenna, in khawtlàng thuoituhai kuomah lekhathawn ziek dan kalhmang indik taka ziekin, lekhâ thawn rawh.

22. A hnuoia thupui pakhat lem lem khu thlangin, thumal 200 vèl hmangin Essay ziek rawh. 12

Zu him huoina tehlem a siem hlak.

Annawleh,

Inchûkna uor hnam chu an hnufuol ngai nawh.

UNIT – V (GRAMMAR)

10 MARKS

23. A hnuoia thuziekhai hi a'n dik lem lem ziek dawh rawh : 1×10=10
- 'Thir thingrem' tia 'thir' hi **Noun-** a hmang a nih / **Adjective-** hmang a nih.
 - 'Kan huon a fai' tia 'fai' hi, **Verb** / **Adjective** a nih.
 - 'Thanga hi kan khuo tlangval fel a nih' / 'Thanga hi kan khaw tlangval fel a nih'.
 - 'Khumi hi ka nau ka nih' / 'Khumi hi ka naunu ka nih'
 - 'Student popo an kim' / 'Student po po an kim'

- (vi) 'Mi thangpui rawh' / 'Mi thrangpui rawh'.
- (vii) 'Van kawkhàr a' n hawng / 'Vàn kotkhàr a' n hong'.
- (viii) 'Naupang ɬap a tlêm thiem' / 'Naupang ɬap a thlêm thiem.'
- (ix) 'Parte ka thliek' / 'Parte ka tliek.'
- (x) 'Ka phieng a ɬâm' / 'Ka phing a ɬâm.'

UNIT - V (GRAMMAR)

EXERCISES